

重刊道藏輯要

孫真人備急千金要方

宋朝奉 郎守太常少卿充祕閣校理林億等校正

婦人方

求子第一

論方 灸法 轉女為男法

論曰夫婦人之別有方者以其胎妊生產崩傷之異故也是以婦人之病比之男子十倍難療經言婦人者眾陰所集常與濕居十四已上陰氣浮溢百想經心內傷五臟外損姿顏月水去留前後交互瘀血停凝中道斷絕其中傷墮不可具論生熟二臟虛實交錯惡血內漏氣脈損竭或飲食無度損傷非一或瘡

道藏輯要

孫真人千金方

三

續虛集十二

疾未愈便合陰陽或便利於懸厠之上風從下入便成十二痼疾所以婦人別立方也若是四時節氣為病虛實冷熱為患者故與丈夫同也惟懷胎妊而挾病者避其毒藥耳其雜病與丈夫同則散在諸卷中可得而知也然而女人嗜慾多於丈夫感病倍於男子加以慈戀愛憎嫉妬憂患染著堅牢情不自抑所以為病根深療之難痊故養生之家特須教子女學習此三卷婦人方令其精曉即於倉卒之秋何憂畏也夫四德者女子立身之樞機產育者婦人性命之長務若不通明於此則何以免於天枉者哉故傅母之徒亦不可不學常宜繕寫一本懷挾隨身以防不虞也

論曰人之情性皆願賢已而疾不及人至於學問則隨情逐物  
墮於事業詎肯專一推求至理莫不虛棄光陰沒齒無益夫婚  
姻養育者人倫之本王化之基聖人設教備論厥旨後生莫能  
精曉臨事之日惜爾若愚是則徒願賢已而疾不及人之謬也  
所實不達賢已之趣而妄徇虛聲以終無用今具述求子之法  
以貽後嗣同志之士或可覽焉

論曰夫欲求子者當先知夫妻本命五行相生及與德合并本  
命不在子休廢死墓中者則求子必得若其本命五行相尅及  
與刑殺衝破并在子休廢死墓中者則求子了不可得慎無措  
意縱或得者於後終亦累人若其相生并遇福德者仍須依法

道藏輯要

孫真人千金方

三

續虛集十二  
卷百〇十一

如方避諸禁忌則所誕兒子盡善盡美難以具陳

禁忌法受胎時日推王相

貴宿 法在二十七卷中

論曰凡人無子當為夫妻俱有五勞七傷虛羸百病所致故有  
絕嗣之患夫治之之法男服七子散女服紫石門冬圓及坐藥  
盪胞湯無不有子也

七子散治丈夫風虛目暗精氣衰少無子補不足方

五味子

鍾乳粉

牡荊子

菟絲子

車前子

菥蓂子

石斛

乾地黃

薯蕷

杜仲

鹿茸

遠志

附子

蛇床子

芎藭各六銖

山茱萸

各八銖

天雄

人參

茯苓

黃耆

牛膝

各五銖

桂心

十銖

菴蓉

十一銖

巴戟天

十二銖

右二十四味治下篩酒服方寸七日二不知增至二七以知為度禁如藥法不能酒者蜜和圓服亦得一方加覆盆子八銖求子法一依後房中篇

朴消盪胞湯治婦人立身已來全不產及斷緒久不產三十年者方

朴消

牡丹

當歸

大黃

桃仁

生用各三銖

細辛

厚朴

桔梗

人參

赤芍藥

茯苓

桂心

道藏輯要

孫真人千金方

三

續虛集十二

甘草

牛膝

橘皮

附子

蜜蟲

水蛭

各十枚

右十八味咬咀以清酒五升水五升合煮取三升分四服日三夜一每服相去三時更服如常覆被取少汗汗不出冬日著火籠之必下積血及冷赤膿如赤小豆汁本為婦人子宮內有此惡物使然或天陰臍下痛或月水不調為有冷血不受胎若斟酌下盡氣力弱大困不堪更服亦可二三服即止如大悶不堪可食酢飯冷漿一口即止然恐去惡物不盡不大得藥力若能忍服盡大好一日後仍著導藥千金翼方不用桔梗甘草治全不產及斷緒服前朴消湯後著坐導藥方

皂莢

山茱萸

千金翼作苦瓠

當歸

各一兩

細辛

五味子

乾薑

各二兩

大黃

礬石

戎鹽

蜀椒

各半兩

右十味爲末以絹袋盛大如指長三寸盛藥令滿內婦人陰中坐臥任意勿行走急小便時去之更安新者一日一度必下青黃冷汁汁盡卽止可幸御自有子若未見病出亦可至十日安之一本別有葶苈砒霜各半兩此藥爲服朴消湯恐去冷惡物出不盡以導藥下之值天陰冷不疼不須著導藥亦有著鹽爲導藥者然不如此藥其服朴消湯後卽安導藥經一日外服紫石門冬丸

道藏輯要

孫真人千金方

三

續虛集十一  
川口上

紫石門冬圓治全不產及斷緒方

紫石英

天門冬

各三兩

當歸

芎藭

紫葳

卷栝

桂心

烏頭

乾地黄

人參

牡蒙

千金翼作牡荆外臺作牡蒙

禹餘糧

石斛

辛夷

桑寄生

續斷

細辛

厚朴

乾薑

吳茱萸

牡丹

牛膝

各三兩

栝子仁

一兩

薯蕷

烏賊骨

甘草

各一兩半

右二十六味爲末蜜和丸如梧桐子大酒服十九日三薄湯至三十九丸以腹中熱爲度不禁房室夫行不在不可服禁藥法比來服者不至盡劑卽有娠

白薇圓主令婦人有子方

白薇 細辛 防風 人參 秦椒

白欽一云白芷 桂心 牛膝 秦艽 蕪荑

沙參 芍藥 五味子 白殭蠶 牡丹

蟾蠩各一兩 乾漆 栝子仁 乾薑 卷栢

附子 芎藭各三銖 桃仁 紫石英各一兩半

鍾乳 乾地黄 白石英各兩 鼠婦半兩 水蛭

蜜蟲各十枚 吳茱萸十八銖 麻布叩復頭 燒一天

右三十二味為末蜜和丸如梧桐子大酒服十五丸日再稍加至三十九丸當有所去小覺有異即停服

道藏輯要

孫真人千金方

三五

續虛集十二 川也

又方治久無子或斷緒上熱下冷百病皆治之方

白薇 乾地黄 乾薑 車前子 蜀椒各八銖

紫石英 藁木 石膏 菴蘭子 卷栢各三銖

澤蘭 赤石脂 白龍骨 遠志 麥門冬

茯苓 太乙餘糧各二兩 當歸 芎藭

蛇床子各三兩 白芷 覆盆子 桃仁 人參各一兩半

桂心 蒲黃各二兩半 細辛三兩 橘皮半兩

右二十八味為末蜜和丸如梧子大酒服十五丸日再漸增以知為度亦可至五十九丸慎猪雞生冷酢滑魚蒜驢馬牛肉等覺有娠即停三月正擇食時可食牛肝及心至四月五月

不須但不可故殺令子短壽遇得者大良

金城太守白薇圓治月水不利閉塞絕產十八年服此藥二十  
八日有孕方

白薇

細辛各三人參十銖

杜蘅古今錄驗

牡蒙

厚朴

半夏

白殭蠶

當歸

紫菀

各十銖牛膝

沙參

乾薑

秦艸各半

蜀椒

附子

防風各一兩半

右十七味為末蜜和丸如梧子大先食服三九不知稍增至  
四五丸此藥不可長服覺有娠即止用之大驗崔氏有桔梗  
丹參十八銖  
論曰古者求子多用慶雲散承澤圓今代人絕不用此雖未試

道藏輯要

孫真人千金方

三

續虛集上  
川八一

驗其法可重故述之

慶雲散治丈夫陽氣不足不能施化施化無成方

覆盆子

五味子各一升

菟絲子二升

天雄一兩

石斛

白朮各三兩

桑寄生四兩

天門冬九兩

紫石英二兩

右九味治下節酒服方寸匕先食服日三素不耐冷者去寄

生加細辛四兩陽氣不少而無子者去石斛加檳榔十五枚

承澤圓治婦人下焦三十六疾不孕絕產方

梅核仁

辛夷各一升

葛上亭長七枚

澳疏三兩

藁本一兩

澤蘭子五合

右六味爲末蜜和丸如大豆先食服二九日三不知稍增若腹中無怪癖積聚者去亭長加通草一兩惡甘草和藥先以苦酒搜散乃納少蜜和爲丸

大黃圓治帶下百病無子服藥十日下血二十日下長蟲及青黃汁三十日病除五十日肥白方

大黃破如米豆 柴胡 朴硝 乾薑各一

芎藭五兩 蜀椒二兩 茯苓如雞子大一枚

右七味爲末蜜和丸如梧桐子大先食服七丸米飲下至十九九以知爲度五日微下

吉祥圓治女人積年不孕方

道藏輯要

孫真人千金方

續虛傳十二

天麻 柳絮 牡丹 茯苓 乾地黃

桂心各一兩 五味子 桃仁 白朮 芎藭各二兩

覆盆子一斗 桃仁一百枚 菟絲子 楮實子各一斗

右十四味爲末蜜和丸如豆夫每服空心飲黃酒下五丸日中一服晚一服

消石大黃圓治十二瘕癖及婦人帶下絕產無子并服寒食藥而腹中有癖者當先服大丸下之乃服寒食藥大丸不下水穀但下病耳不至令人虛極方見第十一卷中

秦椒丸治婦人絕產生來未產盪滌腑臟使玉門受子精

秦椒 天雄各十銖 玄參 人參 白歛

鼠婦 白芷 黃耆 桔梗 露蜂房

白殭蠶 桃仁 蟻螯 白薇 細辛

蕪荑各兩 牡蒙 沙參 防風 甘草

牡丹皮 牛膝 卷栢 五味子 芍藥

桂心 大黃 石斛 白朮各三銖 栢子仁

茯苓 當歸 乾薑各一兩半 澤蘭 乾地黃

芎藭各一兩十八銖 乾漆 白石英 紫石英

附子各二兩 鍾乳二兩半 水蛭七十枚 蜚蠊一百枚

麻布叩復頭七尺燒

右四十四味為末蜜丸如梧子大酒服十九日再稍加至二

道藏輯要 孫真人千金方 續虛集十二 川X上三

十九若有所去如豆汁鼻涕此是病出覺有異即停

灸法

婦人絕子灸然谷五十壯在內踝前直下一寸婦人絕嗣不生

胞門閉塞灸關元三十壯報之

婦人妊子不成若墮落腹痛漏見赤灸胞門五十壯在關元左

邊二寸是也右邊二寸名子戶

婦人絕嗣不生灸氣門穴在關元傍三寸各百壯

婦人子藏閉塞不受精疼灸胞門五十壯

婦人絕嗣不生漏赤白灸泉門十壯三報穴在橫骨當陰上際

論曰陰陽調和二氣相感陽施陰化是以有娠而三陰所會則

多生女但妊娠二月名曰始膏精氣成於胞裏至於三月名曰始胎血脈不流象形而變未有定儀見物而化是時男女未分故未滿三月者可服藥方術轉之令生男也

丹參圓治婦人始覺有娠養胎并轉女為男方

丹參 續斷 芍藥 白膠 白朮

栝子仁 甘草各二兩 人參 芎藭 乾薑各三兩

吳茱萸 橘皮 當歸各十兩 白芷

冠纓燒灰各一兩 乾地黄一兩半 蕪荑十八銖

犬卵一具乾 東門上雄雞頭一枚

右十九味為末蜜和丸如梧子大酒服十九日再稍加至二

道藏輯要 孫真人千金方 三 續虛集十一 川上 廿

十九丸

又方取原蠶屎一作矢一枚并花水服之日二

又方取弓弩弦一枚絳囊盛帶婦人左臂一法以繫腰下滿百日去之

日去之

又方取雄黃一兩絳囊盛帶之要女者帶雌黃

又方以斧一柄於產婦卧牀下置之仍繫刃向下勿令人知如不信者待雞抱卵時依此置於窠下一窠兒子盡為雄也

不

妊娠惡阻第二法 妊娠方

論曰何以知婦人妊娠脈平而虛者乳子法也經云陰搏陽別謂之有子此是血氣和調陽施陰化也診其手少陰脈動甚者